



Në bazë të neneve 43,45,46,49 dhe 52 të Ligjit mbi tokën ndërtimore (“Gazeta zyrtare e Kosovës” 14/80 dhe 42/86), të nenit 4 dhe nenit 39 të Rregullores mbi vetëqeverisjen e komunave të Kosovës nr. 2000/45, të dt. 11 gusht 2000 dhe të neneve 19, 26 dhe 40 të Statutit të Komunës së Prishtinës, të dt. 16.03.2001, Kuvendi i Komunës së Prishtinës, në mbledhjen e mbajtur më 29.03.2007, miratoi

V E N D I M I N

PËR NDRYSHIMIN DHE PLOTËSIMIN E VENDIMIT PËR NDRYSHIMIN E RREGULLORES PËR TARIFA DHE NGARKESA KOMUNALE 01 NR. 413-523, DT. 2.4.2002 - PJESA PËR RREGULLIMIN E TOKËS NDËRTIMORE, 01.NR. 413-317, TË DT. 30.6.2006

Neni 1

Miratohet Vendimi për ndryshimin dhe plotësimin e Vendimit për ndryshimin e Rregullores për tarifa dhe ngarkesa komunale 01- nr. 413-523, të dt. 2.4.2002, pjesa për rregullimin e tokës ndërtimore, 01.Nr.413-317, të dt. 30.6.2006.

Neni 2

Neni 2 i Vendimit të cekur në nenin 1, duhet të jetë:

“Për objektet e filluara së ndërtuari, të cilat gjenden në hapësirat brenda kufijve të planeve rregulluese të miratuara nga Kuvendi i Komunës së Prishtinës, e të cilat mund të inkorporohen në planin rregullues përkatës, kompensimi për rregullimin e tokës ndërtimore do të rritet për 20%, nga shkalla e paraparë për llogaritjen e këtij kompensimi. Kompensimi për 20 % do të llogaritet sipas gjendjes faktike të objektit të ndërtuar.

Pas dhënies së lejes së ndërtimit dhe pas skadimit të afatit ligjor për pagesë, shkalla e përshkruar me këtë dispozitë do të rritet për 10% për çdo vit fiskal vijues.”

Neni 3

Neni 3 i Vendimit të cekur në nenin 1 të këtij Vendimi, ndryshon dhe thotë: “Për zbatimin e këtij Vendimi do të kujdeset Drejtorati i Planifikimit, Urbanizëm dhe i Ndërtimitarisë i Komunës së Prishtinës.

Neni 4

Ky Vendim hyn në fuqi ditën e miratimit të tij.

KUVENDI I KOMUNËS SË PRISHTINËS
01 Nr. 110-127, më.29.03.2007

KRYETARI I KOMUNËS
Ismet Beqiri